

Ukop civilnih žrtava rata u Brčko Distriktu



Supervizor za Brčko Distrikt, dr. Raffi Gregorian, nazočit će ukopu oko 80 civilnih žrtava rata iz Brčkog koji će biti danas u Brčkom, kako bi odao poštu žrtvama, podijelio žalost sa porodicama i izjavio svoju iskrenu sućut. Žrtve su ekshumirane prošle jeseni iz sekundarne masovne grobnice u Goricama, koju je supervizor obišao ubrzo nakon što je otkrivena.

Supervizor konstatira da OHR, prema nalogu Upravnog odbora Vijeća za implementaciju mira, pojačava svoja nastojanja da osigura da oni koji su odgovorni za takve zločine budu izvedeni pred lice pravde, naročito Radovan Karadžić, Ratko Mladić i sva ostala lica koja je Međunarodni krivični sud za bivšu Jugoslaviju optužio za ratne zločine. Kao prvi zamjenik visokog predstavnika, dr. Gregorian će u ponedjeljak izvijestiti političke direktore Upravnog odbora Vijeća za implementaciju mira o sadašnjim i budućim nastojanjima da lokalne vlasti dodatno unaprijede suradnju sa Međunarodnim krivičnim sudom za bivšu Jugoslaviju.